

Sajak

Kerasulannya

Nabi Muhammad

anak agung darah putih

mahu tegakkan sejagat bersih

tidak dihirau jiwa terkorban.

Nabi Muhammad

kerasulannya

tak dapat disangkal

dan mukjizatnya paling berkat.

Nabi Muhammad

Nabi penamat umat

Rasul pencukup tugas

sungguh melencong itu jahil manusia baru

sedang pedoman sudah tertera

paling bernas dan berguna:

Qur'ān dan Hadithnya.

Nabi Muhammad

adalah pensuci.

Nurhisyam Mustafa.

Madah Sahabat

* Apakah lantaran musuh banyak sedang tenagamu agak kurang, dibiarkan sahaja perompak-perompak itu melakukan sesuatu di atas dirimu semahu-mahunya?

(Abu Bakar As-Siddiq)

—*—

* Aku tak takut menghadapi seorang mukmin yang kentara imannya, begitu pula seorang derhaka yang jelas kekufurannya. Tetapi yang sangat aku takuti ialah berhadapan dengan seorang munafik, pada zahirnya ia sebagai seorang yang beriman, sedang perbuatannya lain dari yang demikian itu.

(Umar Ibnu Al-Khattab)

—*—

* Jauhkanlah diri dari bersikap berlebih-lebihan, tetapi bersikaplah sederhana di dalam hidup. Sebaik-baik sikap ialah mengingati apa yang akan ditempuhi pada hari esok.

(Ali bin Abi Talib)

—*—

* Ketakutan itu akan muncul dari jiwa seseorang yang berniat jahat. Seseorang Muslim itu harus tidak bersifat takut selagi jiwa dan hatinya bersih dari segala niat yang jahat.

(Khalid bin Al-Walid)

—*—

* Yang dipandang berlaku membazir itu ialah bila engkau pergunakan sesuatu yang baik pada tempat yang buruk yang bukan pada tempatnya.

(Abdullah Ibnu Az-Zubair)